



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

Quòd vitia se esse virtutes mentiuntur. Cap. LI.

[urn:nbn:de:hbz:466:1-53148](#)

Quod vitia se esse virtutes mentiuntur.

CAP. LI.

ET quia virtus tam nobilis & venerabilis omnibus & præ omnibus est, quod etiam vitiosi eam super omnia venerantur: ideo & vitia quandoque se virtutes esse mentiuntur, & velamen virtutis assomunt; ut aut securius dissimulentur & non arguantur; aut etiam laudem virtutis assequantur. Vnde videmus ea quandoque etiam à quibusdam religiosis & studiosè exerceti, & ex auctoritate quasi pro virtute defendi: ita ut vera virtus eis in aliis quandoque displiceat, & eam pro vicio despiciant & impugnoent, & interpretentur esse vitium quod virtus pura est. & econtrariò virtutem asserant quod est verè vitium, sed virtutis colore velatum. verbi gratia: Paupertas spiritus, id est, voluntaria pro Christo paupertas, magna & vera virtus est, quam multi religiosi profitentur: & tamen videmus plures sub prætextu necessitatis, pietatis, & honestatis diuitias desiderare in pecunia, in prædiis, in ædificiis, vestitu & victu, & libris, & aliis quæ vere diuitiæ reputantur; ita ut satiari nequeant: quia etiamsi quod cupiunt haberent, si quis plus offerret, acciperet plus, vique ad magnam quantitatem, quia non dicerent sufficit, nolumus plus habere. Econtra parcè viuere & paucis esse contentum, tenacitas & auaritia appellatur, quasi non audeant uti his quæ habent. Silentium tristitia appellatur, maturitas amaritudo, zelus iustitiæ temerarium iudicium dicitur. Quies devotionis, pigritia vocatur. Corporis castigatio indiscretio censetur. Simplicitas stultitia creditur. Timor Dei, litigiosa conscientia aestimatur. Fugere publicum, singularitas

318 S. BONAVENTURAE
gularitas vocatur. Cauere scandalum, hypocri-
tus iudicatur. Ecce quomodo virtus proscribi-
tur, & peruersè vitium interpretatur. Econ-
uersò autem plerunque dissolutio, socialis iu-
cunditas potatur. Curiositas & difsiorum &
librorum & aliorum, honestas habetur. Laz-
conscientia, libertas deputatur. Corpus deli-
cate souere, discretio reputatur. Garrulitas, af-
fabilitas dicitur. Inuidia fraterna, zelus iusti-
tiæ dicitur. Duritia & inclemensia, rigor ordi-
nis putatur. Avaritia acquirendi, prouisio fide-
lis nuncupatur. Astutia, prudentia nominatur.
Elatio, auctoritatis ostensio monstratur, ze-
lus & contentio, ordinis defensio appellatur.
Lactantia de bonis, & dificatione proximi vult vi-
deri. Detractio, detestatio vitij, alterius vult
putari. Conformitas vitiosa, vult credi fuga
singularitatis: & torpor negligentiae vult hu-
militas videri. Pusillanimitas altiora se non
quætere. Inquietudo euagandi & negotiandi,
vult agilitas dici bene operandi. Prodigalitas,
largitas vult videri. Et sic de aliis. Sciendum
itaque est, quod discretio spiritus medium vir-
tutis iter eligit, non declinans ad dexteram vel ad
34. 5. 20 sinistram, regia gradiens via, ne dicat bonum
malum, vel malum bonum, ponendo lucem
tenebras, & tenebras lucem, dividens diem vir-
tutis à nocte vitiorum: ne angelum satana
pro Angelo lucis recipiat, verū à falso distin-
gueas, & quod boicum est tenens.

De castitate.

CAP. LII.

Vide D.
Hieron. in
illud ad
Tis. 1. Opus
Epist. CASTITAS est sobrietatis filia, & nutri-
tur ab ea, sicut econsumari luxuria nutri-
tur à ventris ingluvie. Membra enim genita-
lia sub ventre posita, ex eius redundantia in
libido.